

清源縣志

古者封建列國各有史追封建
變而爲郡縣史亦改而名志矣
志也者所以紀人物山川風土
之盛也先王畫疆分理最爾之

邦莫不有人物山川風土之可
紀者志可無乎乃不可無者而
清源竟無余初剖符是邑見史
人所授者有城圖無志書甚恠
異之洎蒞任職詢之紳士咸曰

自昔及今未之有也嗟嗟清雖
最爾邑哉亦有有人物山川風
土之可紀者何竟朴畧至以因
叨切焉欲纂輯之苦無緒理可
尋無何文獻家咨訪世傳幸有

叙

羅子名國善者搜括祖考抄本
出以相示上自春秋下至有明
嘉隆而止若羅氏者真文獻家
也偶一得之幾與王檢金函古
碑斷碣同珍嘉隆而後又苦無

所稽矣。幸有薦紳先生王心孩
肖爲諸生時卽究心于人物山
川風土之盛。或摭之曩喆之傳
記。或得之父老之覩聞。始兼綜
靡遺。若先生者。治一方文獻也。

已爰相商確佐以府志核實而
纂輯之以付剞劂昔劉孔才劭
所撰人物志中多剟論是志也
古無今有似近于剟而疑者闕
之如春秋所書紀子伯夏五之

類實翔而因也邑有是志人物
也山川也風土也咸賴之以傳
矣卽百年後版籍散逸緒理固
自可尋也先生之功大矣哉吾
願邑人士各刷一部以芸香櫛

腦藏之俾後之增修者有所考
証庶不使羅氏專美于前並不
負余與先生纂輯之苦心也已
順治十八年歲次辛丑知清源
縣事內丘和羹書

賦

邑之有乘猶歷代之有鑑唐興
之有記也鑑不過昭勸懲而乘
之義類更備記不過載梗概而
乘之收羅更詳以一邑言之乘

視鑑與記殆尤要也吾不知濟
源之何以無乘會邑令

和公於百廢俱興之餘與

王心孩先生從文獻家覓有心

者之手錄纂輯成帙疑者闕之

所以明慎可者商之亦以示公
俾一邑之山水人文賦後風土
莫不瞭如指掌詳若列眉真不
朽之盛事也與

順治辛丑流火閏月儒學教諭

秦川劉復興題

品

郡邑各有志所以彰往事詔

來評也余邑獨無成書雖舊

有抄本紀事然亦至嘉隆遂

不惟未經剞劂久將蠹壞

且時近百年物換星移天時
人事不無今昔互殊滅沒等
傳謂非邑之缺典邠邑侯

汪菴和公甫下車即慨焉有

備舉意因諸務待興有所未

連三年來以實心行實政上
既靡廢不舉矣迺出所得抄
本付余以未備者屬余掇羅
碩寡昧如余何能操觚泛筆
然義弗敢遜也爰即抄本為

之釐定魯魚亥豕者正之簡
斷編殘者補之荒唐不經繁
蕪多當者芟之要之摭以傳
信今往事可徵來評有據已
爾敢言效顰子長哉至於紀

近事稍詳七皆惜墨如金必
真知灼見而後載其畧焉如
涵菴公之築堰脩城開渠繕
學以及諸所興除類多矧前
人所未有拓前人所未備區